

AKT THEMELIMI I SHOQËRISË

EONIA sh.p.k.

Sot, më datë 21.02.2023, ne Tirane, ortakët (me poshtë referuar si “Ortakët Themelues”, ose “Ortakët”), si vijon:

Z. Kostandin Jano, i datëlindjes 02.06.1989, lindur në Gjirokastrë dhe banues në Tiranë, me nr. personal I90602071K;

Znj. Flonja Boriçi, e datëlindjes 22.07.1972, lindur dhe banuese në Tiranë, me nr. personal H25722043S;

Z. Floran Pustina, i datëlindjes 08.02.1977, lindur dhe banues në Tiranë, me nr. personal H70208073S;

vendosën mbi këtë Akt Themelimi për krijimin dhe themelimin e shoqërisë tregtare me përgjegjësi të kufizuar EONIA sh.p.k..

I. Themelimi

Ortakët Themelues deklarojnë bashkarisht, themelimin e shoqërisë **EONIA sh.p.k.**, një shoqëri shqiptare me përgjegjësi të kufizuar (“**Shoqëria**”), e cila themelohet në përputhje me ligjin e aplikueshëm tregtar në Republikën e Shqipërisë.

Selia e Shoqërisë është në adresën: Rr. Ismail Qemali, Pasuria 2/827+1-3, Z.K. 8270, Ap. 3, 1019 Tiranë Shqiperi.

Shoqëria është themeluar për një kohëzgjatje të pakufizuar.

II. Objekti

Objekti i aktivitetit të Shoqërisë, do të përfshijë, por nuk kufizohet në aktivitetet e mëposhtme:

- Ngritja, ndërtimi, dhe shfrytëzimi i kapaciteteve gjeneruese dhe prodhuese të energjisë elektrike, gjenerimi, prodhimi, tregtimi, furnizimi, ruajtja, dhe shitja e energjisë elektrike, përfshirë por pa u kufizuar në energjinë e rinovueshme, apo të gjitha dhe çdo formë tjetër;
- Të gjitha dhe çdo aktivitet tjetër, dhe ofrimi i të gjitha shërbimeve, dhe shitblerje, në lidhje me të gjitha dhe çdo aktivitet apo industri, të cilat nuk bien ndesh me legjislacionin e aplikueshëm në fuqi.

Ne përputhje me legjislacionin shqiptar për përmbushjen e objektit të lartpërmendur, Shoqëria mund:

- (i) të kryejë çdo aktivitet me pasuri të luajshme dhe të paluajshme (përfshirë por pa u kufizuar në blerjen, shitjen, e marrjen dhe dhënien me qera të sendeve të luajshme dhe të paluajshme) si edhe aktivitete tregtare, financiare, qira apo hipotekore të cilat mund të konsiderohen të dobishme apo të nevojshme për përmbushjen e objektit të Shoqërisë dhe që nuk tejkalojnë në masë aktivitetet kryesore, të cituara me sipër;
- (ii) të blejë, në mënyrë të drejtpërdrejtë apo të tërthortë, interesa në shoqëri të tjera që kanë objekt (objekti i aktiviteti) të ngjashëm me atë të Shoqërisë, në Shqipëri apo jashtë saj;
- (iii) të kryejë aktivitete publikimi, marketingu e reklamimi; të kryejë aktivitete të ndërtimit, konstruksionit, projektimit, duke marrë licencat përkatëse;
- (iv) të kryejë aktivitete import - eksporti të mallrave dhe/apo shërbimeve siç do të konsiderohet e nevojshme;
- (v) të kryejë aktivitete për shitjen me pakicë apo shumicë të mallrave, pajisjeve siç do të konsiderohet e përshtatshme, të hapë pika shitjeje, apo të krijojë një zinxhir pikash shitjeje;
- (vi) të marrë apo të japë françizë, liçensa, marrëveshje administrimi, apo manaxhimi me palë të treta; dhe
- (vii) të kryejë çdo aktivitet tjetër që mund të konsiderohet i dobishëm apo i nevojshëm për përmbushjen e objektit të Shoqërisë.

Shoqëria do të kryejë çdo aktivitet që përfshihet në objektin e saj të aktivitetit dhe/ose që lidhet me objektin e saj.

Shoqëria do të respektojë të gjitha ligjet dhe rregulloret përkatëse në Republikën e Shqipërisë dhe standardet më të mira etike.

III. Statuti

Ortakët Themelues deklarojnë pajisjen e Shoqërisë me Statutin e Shoqërisë, i cili firmoset dhe ekzekutohet në mënyrë të rregullt nga Ortakët Themelues të Shoqërisë së bashku dhe njëkohësisht me këtë Akt Themelimi.

Statuti i Shoqërisë është dokumenti thelbësor, së bashku me cdo marrëveshje tjetër që mund të firmoset kohë pas kohe nga Ortakët Themelues, që përcakton: emrin, formën ligjore, kohëzgjatjen, objektin e aktivitetit, kapitalin, administratorin, e të drejtat, detyrimet dhe kufizimet e tij, administrimin financiar dhe kontabël të shoqërisë, dhe ortakët e Shoqërisë, kompetencat e Asamblesë së Ortakëve, dhe marrëdhënien e Ortakëve mes tyre.

IV. Kapitali

Kapitali i regjistruar i Shoqërisë është 1,000.00 Lek, i ndarë në 3 (tre) kuota, dhe ai zotërohet nga nga ortakët e Shoqërisë, si më poshtë vijon:

Z. Kostandin Jano, i datëlindjes 02.06.1989, lindur në Gjirokastër dhe banues në Tiranë, me nr. personal I90602071K, i cili zotëron një kuotë, e cila përfaqëson 80% (tetedhjetë përqind) të kapitalit të Shoqërisë, dhe është e barabartë në vlerën 800 (tetëqind) lek;

Znj. Flonja Boriçi, e datëlindjes 22.07.1972, lindur dhe banuese në Tiranë, me nr. personal H25722043S, e cila zotëron një kuotë, e cila përfaqëson 10% (dhjetë përqind) të kapitalit të Shoqërisë, dhe është e barabartë në vlerën 100 (njëqind) lek;

Z. Floran Pustina, i datëlindjes 08.02.1977, lindur dhe banues në Tiranë, me nr. personal H70208073S, i cili zotëron një kuotë, e cila përfaqëson 10% (dhjetë përqind) të kapitalit të Shoqërisë, dhe është e barabartë në vlerën 100 (njëqind) lek.

Çështje të tilla si zmadhimi dhe zvogëlimi i kapitalit të Shoqërisë, administrimi financiar dhe kontabël i Shoqërisë, apo çështje të tjera, detajohen në Statutin e Shoqërisë, i cili firmoset dhe ekzekutohet në mënyrë të rregullt nga Ortakët Themelues të Shoqërisë, së bashku me këtë Akt Themelimi.

V. Organet e Shoqërisë

Organet e Shoqërisë janë:

- 1) Asambleja e Përgjithshme, e cila përbëhet nga Ortakët e Shoqërisë; dhe
- 2) Administratori i Shoqërisë.

VI. Asambleja e Përgjithshme

Asambleja e Përgjithshme, e cila përbëhet nga Ortakët e Shoqërisë, është organi më i lartë vendimmarrës dhe i kontrollit të Shoqërisë e cila merr vendime në lidhje me aktivitetin e saj dhe politikën ekonomike dhe tregtare të saj.

Kompetencat e Asamblesë së Përgjithshme janë të detajuara në mënyrë të hollësishme në Statutin e Shoqërisë, i cili firmoset dhe ekzekutohet nga Ortakët Themelues të Shoqërisë.

VII. Administratori

Shoqëria përfaqësohet dhe menaxhohet nga 1 (një) Administrator, apo më shumë, i cili është përfaqësuesi ligjor i Shoqërisë dhe e përfaqëson atë, në marrëdhënie me të tretët dhe është përgjegjës për aktivitetin e zakonshëm tregtar të Shoqërisë me perjashtim të atyre çështjeve që parashikohen në Statut dhe nga ligji i zbatueshem apo vendimeve të Ortakëve, apo çdo marrëveshje e ardhshme mes Ortakëve të Shoqërisë.

Administratori i Shoqërisë është:



Z. Kostandin Jano, i datëlindjes 02.06.1989, lindur në Gjirokastrë dhe banues në Tiranë, me nr. personal I90602071K (“**Administratori**”).

Administratori emërohet për një afat në detyrë prej 3 (tri) vitesh nga data e regjistrimit të Shoqërisë pranë Qendrës Kombëtare të Biznesit në Shqipëri (“**QKB**”) me të drejtë rizgjedhjeje.

Administratori emërohet nga Asambleja e Pergjithshme e Ortakëve të Shoqërisë, në përputhje me Statutin e Shoqërisë. Me miratimin e emërimit të tij/saj, Administratori njihet se marrëdhënia e tij/saj me Shoqërinë është një marrëdhënie strikte besimi. Asambleja e Pergjithshme e Ortakëve të Shoqërisë ka kompetencë që të shkarkojë Administratorin nga detyra e tij/saj në çdo kohë dhe për çfarëdolloj shkak.


Të gjitha kompetencat, detyrimet, të drejtat dhe kufizimet e Administratorit të Shoqërisë, si dhe mënyra e përzgjedhjes dhe emërimit, janë të detajuara në mënyrë të hollësishme në Statutin e Shoqërisë, i cili firmoset dhe ekzekutohet nga Ortakët Themelues të Shoqërisë.

Ky Akt Themelimi u hartua në 5 (pesë) kopje. Akti i Themelimit është hartuar në përputhje me parashikimet e Ligjit Nr. 9901, datë 14.04.2008 “Per tregtarët dhe shoqëritë tregtare”, i ndryshuar.


Tiranë, më 21.02.2023

ORTAKËT THEMELUES TË SHOQËRISË

Kostandin JANO

Kostandin Jano 

Flonja BORIÇI

Flonja Boriçi 

Floran PUSTINA

Floran Pustina 